







GYMNASII REGII POSNANIENSIS.

# EXAMINA ANNUA

DIEBUS IV. V. VI. OCTOBRIS

PUBLICE INSTITUENDA

INDICUNT

*M. Stoc et H. Wendt,*

DIRECTORES.

---

ANNALIBUS SCHOLAE PRAEMITTITUR

LECTIONUM SOPHOCLEARUM SPECIMEN

PROPOSITUM

AB


*IO. FRID. MARTINO,*

GYMNASII PROFESSORE.

---

FORMIS W. DECKERI ET SOCIETATIS.

1832.



IO. FRID. MARTINI  
LECTIONUM SOPHOCLEARUM  
SPECIMEN.

---

**C**onstitueram hac scholastici programmatiss scribendi occasione oblata accuratius inquirere, quo tempore Sophocles Trachinias in scenam misisset. Nam cum anno 1820. mihi primum illam fabulam attentius legenti mota esset suspicio, eam ceteris quae supersunt poëtae tragoediis longo temporis spatio antecedere ac fortasse ab adolescente admodum scriptam esse; hanc coniecturam, non improbatam Aug. Seidler, praeceptoris carissimo, seminarii philologici Halensis tum moderatori, repetita deinde lectio ita novis omnis generis argumentis confirmabat, ut vix ullus dubitationi locus relinqui videretur. Itaque summa cum voluptate aliquot annis post, iam rerum mearum sede a. 1825. Posnaniae collocata, ex brevi annotatione, quam Ed. Wunderus Trachiniis a. 1824. a se editis subicit, huius viri acutissimi iudicium cognovi prorsus cum meo consentire iisdemque niti argumentis. Cuius librum cum primum vidi, strenue exercebar Lexici Sophoclei condendi labore, quem ut susciperem Buttmannus litteris a. 1822. ad me datis hortatus fuerat. Quam rem agens cum ad Trachinias accessissem, ipsa illa opera nova sententiae meae fulciendae et firmandae suppeditavit argumenta. Colligendae autem lexici Sophoclei materiae impendi alteram partem a. 1825. et totum insequentem, ac deinde etiam disponendae

et pertexendae eius initium feci. Interim cum ego consilium meum cum perpaucis tantum amicorum communicassem; ecce, praeter opinionem Schwetschkius, bibliopola Halensis, vir honestissimus, per litteras mihi se redemptorem offert atque subsidia litteraria, si forte quae optarem, se suppeditaturum liberaliter pollicetur; ac ne tum quidem deterretur, cum ego me quinque minimum sexve annos operi meo conficiendo destinasse significavissem. Videbatur igitur conatui meo fortuna supra spem favere, et Buttmannus, Seidlerus, Schaeferus, alii, quorum iudicium plurimi facio, vehementer me incitabant. Verum enimvero, praeter quandam penitus mihi insidentem scribendi fugam ac timorem (fatendum est enim), cum publicum docendi munus et privatae institutionis auctâ familiâ et indies crescentibus omnium fere rerum pretiis suscipiendae necessitas insequenti tempore parum mihi reliquit otii; tum vero infirma saepe valetudo, casus domestici, aliae causae gravissimae quas exponere ab hoc loco alienum est, valde eam quae ad opus et diuturnum et molestum taedûque saepe plenissimum feliciter perficiendum necessario requiritur, animi alacritatem et hilaritatem represserunt. Sic factum est, ut infectum opus et per aliquot iam annos ne tactum quidem adhuc in scrinio inclusum lateat et quiescat. Nec videtur iam mittendum esse, cum nunc ipsum Ellendtius eadem re suscepta suum Lexicon Sophocleum iam prelo tradiderit, ut mea opera nunc non amplius desideretur. Ceterum eadem quas attuli causae magna ex parte impedimento fuerunt, quominus iam scriptiunculam de Trachiniis perficerem; nec nisi omnibus argumentis diligentissime perpensis, ne forte nimium demonstrando, ut fit, nihil demonstrarem, eam in publicum emittere volui. Itaque nunc nonnisi locos quosdam Sophocleos breviter vel emendandos, vel defendendos et illustrandos suscepi. Quae cum non tironibus scriberem, sed viris maxime eodem docendi munere fungentibus, nec prorsus imparatis a melioribus poetae exemplaribus; omissa, nisi quantum res ipsa posceret, fere omni scripturae varietate



et diversarum coniecturarum atque explicationum recensione in eo plerumque acquievi, ut meam sententiam exponerem; neque vero nube locorum undique congestorum, quippe quorum aditum et copiam et ipsi haberent viri docti, lecturos obruere volui, ne in vitium illud, quod saepe philologorum nationi obliicitur, intincerem. His iam expositis nihil restat, nisi ut Neuianum exemplar mihi haec scribenti ad manus non fuisse moneam, et ut hanc meam qualemcumque opellam idoneis iudiciis non prorsus improbari exoptem.

*SOPHOCLIS AIAC. v. 172 — 181. Brunck.*

Ἦ ῥά σε Ταυροπόλα Διὸς Ἄρτεμις

(ὦ μεγάλα φάτις, ὦ

μᾶτερ αἰσχύνας ἐμᾶς),

175. ὥρμασε πανδάμους ἐπὶ βοῦς ἀγελείας,

ἥ πού τινος νίκας ἀκάρπτου χάριν, —

ἥ ῥα κλυτῶν ἐνάρων

ψευσθεῖς; — ἀδωροῖς εἴτ' ἐλαφρηβολίαις;

ἥ χαλκοδώραξ ἥ τιν' Ἐνυάλιος

180. μομφὰν ἔχων ξυνοῦ δορὸς ἐννυχίοις

μαχαναῖς ἐτίσατο λῶβαν;

Sic mihi hic locus, quam plurimis et diversissimis modis ab interpretibus coniectando et explicando vexatus, legendus et interpungendus videtur, nulla fere facta librorum scripturae mutatione, nisi quod v. 177. pro ἥ ῥα dedi ἥ ῥα, v. 178. ex Musgravii emendatione ψευσθεῖς ἀδωροῖς, cum vulgo legeretur ψευσθεῖσα δωροῖς, ut δωροῖς praecedentibus iungeretur, et v. 179. cum Hermanno ad Eurip. Hec. p. 153. ed. prior. et Guil. Dindorfio ἥ pro altero ἥ. Praeterea totam stropham cum eodem Dindorfio interrogative



accepi, cum vulgo post v. 178. comma, quod perspicuitatis causa in interrogandi signum mutavi, et in fine v. 181. punctum ponatur, in eo tantum diversam a Dindorfiana ratione viam ingressus, quod cum ille, ut vulgo legitur, v. 177. ἢ ῥα reliquerit et post ψευδεῖς v. 178. commate interpunxerit, ego haec quoque, ἢ ῥα scribens, interrogative intelligi volui. Iam ut rationem meam exponam, chorus de auctore et causa insaniae Aiaci immissae coniecturam facit interrogando, eamque duplicem: *utrum Diana id fecit* (v. 172 — 178.), *an Mars* (v. 179 — 181.)? Itaque ἢ v. 179. est *an*, et alterum interrogationis membrum incipit. Prior vero pars ipsa quoque est bipartita. Nam cum ex diversis causis Dianae ira repeti posset, his duabus chorus immoratur, Aiace[m] fortasse aut victoriae alicuius bellicae (v. 176.: ἢ πού τινος νίκας ἀκάρκωτον χάριν), aut venationis (v. 178. ἀδωροῖς εἶτ' ἐλαφρηβολίαις) Dianae auxiliatrici gratiam non retulisse. Quod in his ἢ — εἶτε particulae sibi respondent, insolentius sane illud (nam εἶτε — ἢ quidem saepissime legitur), offensionem tamen habet nullam, tuitusque est eam formam Lobeckius coll. Eurip. Alc. v. 114.: στεῖλας ἢ Λυκίας εἶτ' ἐπὶ τὰς ἀνύδρους Ἀμμωνίδας ἔδρας. Priori vero horum membrorum iterum coniectura est subiecta pariter interrogative expressa v. 177.: ἢ ῥα κλυτῶν ἐνάρων ψευδεῖσα;. Quam eandem sententiam affirmative sic poterat proferre: ἴσως κλ. ἐν. ψ.. Diversis autem modis Aiaci gratiam deae referre licebat, ut sacra faciendo, ludos sollemnes instituendo, spolia suspendendo, etc. Quarum rerum cum spoliolum donatio, quia id monumentum honoris deae habitum futurum erat perpetuum, imprimis accepta ei putari posset, spolia non donata potissimum commemorantur. — In altera deinde totius enuntiationis parte primaria, qua de Marte auctore fit coniectura, quamvis insolite ἢ interrogativum post ἢ particulam illatum videri possit, hoc tamen per se ipsum non potest offendere, imprimis vocabulo (χαλκοδάραξ) interposito. Ἡ vero perinde atque ἄρα non raro mediae interrogationi inseritur. De ἄρα cfr. Oed.

Col. vv. 26. 150.; de ἧ Eur. Hec. 1013.: ποῦ δῆτα; πέπλων ἐντὸς ἧ  
 πρύφας' ἔχεις; Plat. Rep. III. p. 396. B.: τί δέ; ἵππους χρεμετίζοντας  
 καὶ ταύρους μυκωμένους καὶ ποταμούς ψοφοῦντας καὶ θάλατταν  
 κτυποῦσαν καὶ βροντὰς καὶ πάντα αὖτὰ τοιαῦτα ἧ μιμῆσονται; Prae-  
 mittuntur vero illae particulae notioni primariae, nisi quando aut enclitica, ut  
 hoc Aiakis loco, aut levior particula, ut Oed. Col. 150. interseritur. — Mus-  
 gravii denique emendationem v. 178. et facillimam et ingeniosissimam cum  
 aliis quibusdam viris doctissimis et veram esse existimo et paene necessariam  
 propter membrorum concinnitatem: τινὸς νίκας ἀκάρπωτον χάριν et ἀδω-  
 ροῖς εὐαφηβολίαις, quorum alterum dempto adiectivo nimis nude poneretur,  
 Atque eodem modo legisse videtur scholiasta, sic explicans: ἄρα οὖν, φησί,  
 χαριζομένη σοι τὸ νικᾶν καρπὸν καὶ ἀπαρχὰς οὐκ ἐδέξατο τῆς νίκης,  
 ἧ ἀπὸ κυνηγεσίῳ δῶρα οὐ λαβοῦσα; quae meam explicandi ratio-  
 nem eo quoque confirmant, quod prior totius interrogationis pars, prorsus ut ego  
 volo, bipartita accipitur, non, ut vulgo fit, tripartita. Quae autem paulo post  
 illa scholiastae verba in cod. Laur. leguntur: εἴτ' εὐαφηβολίαις] ἀπὸ κοινοῦ  
 τὸ ψευδεῖσα, manifesto ad diversum auctorem sunt referenda. Qua vero ratione  
 viri doctissimi tuentur vulgatum: ἧ ῥα κλυτῶν ἐνάρων ψευδεῖσα δῶροις,  
 εἴτ' εὐαφηβολίαις, eam certe duram esse, nemo, opinor, facile infitias ibit.

AIAC. v. 194. sq. Hermannō in verbis:

ἀλλ' ἄνα ἐξ ἐδράνων, ὅπου μακραίωνι  
 στηρίζει ποτὲ τᾷδ' ἀγωνίῳ σχολᾷ,

iungenti ὅπου ποτὲ reddentique *ubicunque tandem* equidem nequeo assen-  
 tiri. Nam cum chorus Aiacem in tentorio sedere sciat, non potest generalis  
 esse sententia. Nec vero magis probō Brunckianam interpretationem: *ubi*  
*nimis longa haeres defixus hac anxia mora;* ubi praeter perperam intel-  
 lectum ἀγωνίῳ σχολᾷ, quod recte explicuit Hermannus, ποτὲ omnino est

neglectum. Equidem ποτέ reddiderim *aliquando, tandem, noch endlich*, ut στηρίζει cum vi quadam pro futuro positum sit. Nolim enim στηρίζει reponere, quamvis facili mutatione.

*AIAC.* v. 198.:

ἐν εὐάνεμοις βάσσαις.

In adiectivo εὐάνεμος hoc loco errari solet dupliciter. Primum enim, cum α longum sit, corripendum putant, quem errorem Passovius in Lex. Gr. s. v. nunc correxit. Attici pariter atque Iones εὐήνεμος dicebant, Dorienses, et in lyricis carminibus etiam tragici, εὐάνεμος producta α vocali. De huius similibusque vocum formandarum lege cfr. Lobeck. ad Phryn. p. 702. sqq. et de hoc ipso nomine p. 710. Εὐήνεμος legitur in trimetris Eurip. Androm. 749., Danaes fr. X. (III. Dind.) v. 2.; in soluta oratione Lucian. Abdic. c. 27., εὐάνεμος dorica forma, praeter eum locum de quo hic agitur, Sophocl. Laocoon. fr. 2. ap. Schol. Aristoph. Ran. 678., Theocr. Id. XXVIII., 5., Pausan. Lacon. (lib. III.) c. 13, 7. Seniores tamen poetae εὐάνεμος correpto α ponebant, cuius exemplum Passovius attulit Crinagorae Epigr. 23., (Anthol. Pal. IX. 555.), 6., et sic haud dubie accipiendum est εὐάνεμος illud quo in Etym. M. p. 388, 27. explicatur Hesiodeum εὐαεί Opp. v. 597. — Sed hoc ut levius iam mittamus. Gravius vero erratum mihi videtur, quod Brunckius εὐάνεμος hic reddit *ventosus*, vertens: *ventosis in saltibus*, Passovius in Lex. Gr. s. v. *stürmisch*, quae vis neque in hunc ex Aiace locum cadit, neque in ullum eorum qui mihi innotuerunt. Eurip. Dan. fr. 10.:

Γύναι, φίλον μὲν φέγγος ἡλίου τόδε,  
καλὸν δὲ πόντου χεῦμαῖ ἰδεῖν εὐήνεμον,  
γῆ τ' ἡρινὸν δάλλουσα πλούσιόν Σῦδαρ etc.

apparet mare non tempestatibus excitatum intelligi posse, sed leni vento mo-

tum ut crispetur superficies. Similiter sumendum videtur Soph. Laoc. fr. 2.: Πόσειδον, ὃς Αἰγαίου πρῶνας ἢ γλαυκᾶς μέδεις εὐάνεμου λίμνας. Apud Lucianum Abdic. c. 27.: ἐν τῇ πεδινῇ καὶ βαθεῖα καὶ ποτιζομένη καὶ εὐηλίῳ καὶ εὐηνέμῳ καὶ ἐξεργασμένη (χώρᾳ) ἀναφύσεται εὐδαλῆς, οἶμαι, καὶ εὐτροφος καὶ πολύχους καρπός, intelligitur ager vento satis expositus, *lustig*, cuius modi area Hesiodo Opp. 597. vocatur εὐαής:

δμωσὶ δ' ἐποτρύνειν Δημήτερος ἱερὸν ἀκτὴν  
δινέμεν, εὖτ' ἂν πρῶτα φανῇ σθένος Ὠρίωνος,  
χώρῳ ἐν εὐαεΐ καὶ εὐτροχάλῳ ἐν ἄλῳ.

Eodem modo Crinagoras parvam quandam insulam prope Corcyram positam, cuius nomen in v. 1. corruptum latet, laudat ut

— τίκτουσαν ἐπ' αὐλακι πῖα ἀρούρης,  
— καὶ παντὸς κάρπιμον ἀκροδρύου,  
καὶ πολλοῖς εὐαγρον ἐπ' ἰχθύσι, καὶ ὑπὸ μαίρῃ  
εὐάνεμον, λιμένων τ' ἥπιον ἀτρεμίῃ.

Apud Theocritum Id. XXVIII., 5.:

τᾷδε γὰρ πλόον εὐάνεμον αἰτεῦμεθα παρ Διός,  
navigatio dicitur secundis ventis prospera. Apud Euripidem denique Androm. 749.:

— — — χεῖματος γὰρ ἀγρίου  
τυχοῦσα λιμένας ἤλθες εἰς εὐηνέμους,

intelligendi sunt portus ventorum impetui non obnoxii, tuti a tempestatibus. (Cfr. εὐφημος.) Referenda ad hunc Euripidis locum videtur Photii, Hesychii, Etymologi, Suidae glossa: εὐηνέμους· εὐδιεινούς, καλούς, ἀχειμάστους. Eodemque modo εὐανέμους βάσσας apud Sophoclem esse explicandas docet ipsa sententiae ratio. Βᾶσαι enim cum sint τόποι κοῖλοι καὶ ναπώδεις montibus et silvis cincti, tutae sunt plerumque a vento et tranquillae. Atque hoc ipsum hic requiritur, ubi causa affertur, cur inimicorum

Αἰακίς ὕβρις ἀτάσθητος ὀρμᾶται. In tuto enim sunt et securi ἐν εὐανέ-  
μοις βάσσαις, quemadmodum ferae, a quibus desumpta videtur similitudo,  
talibus locis latere amant. Similiter supra v. 167. sqq. inimici Αἰακίς cum  
avium grege comparantur. — Longior fui in re parva illa quidem, at digna  
tamen, quae plane conficeretur. Hoc unum addam, βῆσσα vel βᾶσσα  
mihi non a verbo βαλνεν, ut sit τόπος βάσιμος, sed a βᾶδος vel βαδύς  
derivandum videri, cui opinioni ipsa nominis significatio favet. Comparetur  
comparativi forma βάσσων; ad quam rationem proxime accedunt ἦσσα,  
ἦσσων.

AIAC. v. 210.:

παῖ τοῦ Φρυγίου Τελεύαντος.

Variis labanti versui medendi modis a Bentleio, Porsono, Hermanno tentatis  
liceat mihi quoque hariolationem addere, ut, si forte, et poetae et metro suc-  
curram. Cum enim ubique fere personarum quae nondum in scena fuerunt  
nomina aut cum ingressurae sunt indicari soleant, a choro potissimum, aut  
cum intrarunt, nisi ipsae, ut saepe fit in prologis, nomen suum appellant, ab  
interlocutoribus in prima allocutione vocari, Tecmessae nomen primum v. 331.  
profertur. Quare nisi forte patris nomine et v. 215. verbis ἐπεὶ σε λέχος  
δουριάλωτον στέρξας ἀνέχει Δούριος Αἴας satis mulierem significari cen-  
seas, nuper suspicatus sum a poeta fortasse scriptum fuisse:

Φρυγίου Τέκμησσα Τελεύαντος,

addito autem ab aliquo vel librario vel grammatico explicandi causa παῖ vo-  
cativo ac deinde in textum recepto expulsum esse nomen mulieris, utque  
metrum aliquo modo restitueretur, Φρυγίου nomini praemissum τοῦ articulum.

AIAC. v. 243. seq.

κατὰ δεινάζων ῥήμαδ', ᾧ δαίμων  
κούδεις ἀνδρῶν εἰδίδαξεν.

Hermannus: „*Male Musgravius de malo genio cogitavit. Immo omissum est prius οὐ, ἃ οὐδείς δαίμων, καὶ οὐδείς ἀνδρῶν ἐδίδαξεν. Est autem hoc usitatissimum, deos atque homines coniungi, quum omnino omnes, maximeque quum negatione addita nullum significare volunt, etiam si vel de diis, vel de hominibus cogitari nequeat. Ut infra v. 397. Itaque hoc dicit: quae nemo quisquam docuit.*“ Haec ratio etsi grammaticis legibus non repugnat, re tamen refelli mihi videtur. Nam si nec deorum neque hominum quisquam Aiacem ista docuit, quis tandem id fecit, nisi Ajax ipse ea excogitavit? id quod poeta vix credi potest indicare voluisse. Immo unice vera mihi videtur vulgaris interpretatio, quam Musgravius bene illustravit. Similis prorsus huic locus est Oed. Reg. v. 1258 sq.:

λυσσῶντι δ' αὐτῷ δαιμόνων δεικνυσί τις  
οὐδείς γάρ ἀνδρῶν, οἱ παρῆμεν ἐγγύθεν.

Oppositionis vero formâ etiam propius accedit Aesch. Ag. 661 — 663. Dind.:

ἡμᾶς γε μὲν δὴ ναῦν τ' ἀκήρατον σκάφος  
ἦτοι τις ἐξέκλεψεν ἢ ἔηρήσατο  
θεός τις, οὐκ ἄνθρωπος, οἶακος διγών.

**AIAC.** v. 475. 76.:

τί γάρ παρ' ἡμᾶρ ἡμέρα τέρπειν ἔχει  
προςδεῖσα, καὶ ναδεῖσα τοῦ γε κατθανεῖν;

Longam eamque inutilem operam suscipiat, qui omnes omnium difficillimi huius loci explicationes refellere velit. Quibus omissis Hermannii tantum rationem memorabo vertentis: „*Quid potest dies cum die alternans oblectationis afferre, quum nihil nisi de moriendi necessitate aut addat aliquid, aut differat?*“ Haec primum eo laborant, quod cum προςδεῖσα καὶ ναδεῖσα copulative dicta sint, ea tamen ita reddita sunt, ut si disiunctive



scriptum esset ἡ προσδεῖσα ἡ ἀναδεῖσα, quae dicendi genera quantum inter se differant apparet. Deinde Hermannus genitivum τοῦ κατὰ δανεῖν utrique participio iunctum paritively accepisse videtur, quem infinitivi genitivo positi usum vellem exemplis confirmasset. Mihi quidem quae ratio ante hos duodecim annos ingredienda visa est, eadem hodie quoque probatur, ut ad προσδεῖσα ex verbis v. 473. αἰσχρὸν γὰρ ἄνδρα τοῦ μακροῦ χρήζειν βίου, repetatur τῷ βίῳ, προσδεῖσα autem absolute accipiatur, ut, si velis, τὸ sup-  
plere possis. Cfr. Plat. Theaet. p. 155. A.: ὃ μήτε προστίδοιτο μήτε ἀφαιροῖτο; ubi cfr. Heindorfius p. 325. Add. Euthyphr. p. 3. D. Astius ad Plat. de Rep. (I. p. 335, A.) p. 346. Eodem prorsus modo nostrates utuntur verbis *zulegen* et *zusetzen*. Pariter ἀναδεῖσα absolute dictum videri potest: *removens a moriendo, a moriendi tempore, a morte*, ut liberum tibi sit utrum αὐτόν, i. e. ἄνδρα τοῦ μακροῦ χρήζοντα βίου, *hominem longae vitae cupidum*, an τὸν βίον supplere velis. Oritur iam haec sententia: *Quid enim dies dici accedens s. additus oblectare potest, addens vitae et removens nonnisi a morte?* Vides iam recte se habere καί particulam, non opposita, sed similia iungentem. Reliquum est ut γέ particulae vim exponam. Moriendi notio ea sic elevatur, ut Ajax malum quod in morte vulgo situm putant deprimat, quippe cui mors vel optabilis videatur. Quod igitur quam primum adesse optandum sit, id istos significat differri stulte gaudere,

*AIAC.* v. 602. sqq.:

ἐγὼ δ' ὁ τλάμων παλαιὸς ἀφ' οὗ χρόνος  
Ἰδαῖα μίμνω λειμῶνι ἄποινα, μηνῶν  
ἀνῆριθμος αἰὲν εὐνῶμα  
χρόνῳ τευχόμενος.

Laudo equidem Dindorfium, quod hanc certissimam Hermannii emendationem



vulgatae scripturae metro pariter ac sensui repugnantis: Ἰδαία μίμνω λειμωνία  
 ποία μήλων, ἀνὴρ. cett., in ordinem recepit, neque quicquam ego addam,  
 nisi eandem fere eiusdem nominis ἀποινα depravationem factam esse apud  
 Moschum Id. VI., 6., ubi pro πάσχε δ' ἀποινα Stobaei (Flor. LXIII., 29.)  
 ed. Frob. habet πάσχε δαποίαν.

*AIAC.* v. 716 — 718.:

κοῦδὲν ἀναύδητον φατίσαιμι ἄν, εὖτέ γ' ἐξ ἀέλπτων  
 Αἴας μετανεγνώσθη  
 θυμόν τ' Ἀτρείδαις μεγάλων τε νεικέων.

Saepe numero miratus sum, quod cum v. 718. veteres libri et scripti et editi  
 Triclinianis exceptis omnes pariterque Suidas v. μετανεγνώσθη praeberent  
 θυμόν, optimus Brunckianus metro convenienter θυμόν τ', tamen omnes  
 post Brunckium editores praeter Theoph. Car. Guil. Schneiderum et Mat-  
 thiaeum hanc scripturam aspernati aut ex Hermannii coniectura ediderunt θυ-  
 μοῦ τ', aut adeo Triclinianum θυμῶν, quod Flor. Γ. apud Dindorfium pro  
 varia lectione habet. Et θυμῶν quidem, licet Lobeckius pluralem huius  
 nominis bonorum scriptorum auctoritate tueatur, tamen nusquam, quod sciam,  
 apud poetas, certe non apud tragicos, epicos et Pindarum is numerus reperi-  
 tur, ut manifestum sit Triclinium hic metri causa infelicititer novasse. Quod  
 vero spreto θυμόν accusativo editores, cum ipsi diversos interdum eidem  
 verbo casus iungi concederent, tamen tanto consensu genitivum praetulerunt,  
 non videntur mihi causam et rationem mutatae structurae perpensis. Iam  
 nemo dubitabit, quin etsi recte dicas μεταναγιγνώσκομαι τοῦ θυμοῦ, tamen  
 sicut active μεταναγιγνώσκω σε τὸν θυμόν, sic recte et legitime dicatur  
 μεταναγιγνώσκομαι τὸν θυμόν, ut Eurip. El. 577.: συμβόλοισι γὰρ τοῖς  
 σοῖς πέπεισμαι θυμόν, Verum non item recte dixeris μεταναγιγνώσκομαι  
 τὰ νείκη, sed necessario hic requiritur τῶν νεικῶν, Causa discriminis est

manifesta. Debebat igitur poeta, etsi accusativum *δυμόν* posuerat, deinde genitivo uti. Ceterum *δυμόν* etiam scholiasta is legit, qui mire transiecit et perperam intellectis poetae verbis haec habet: *ὁπότε ἐξ ἀνελπίστων καὶ μεγάλων νεικέων ὁ Αἴας μετεπείσθη καὶ μετεβλήθη τὴν ψυχὴν τοῖς Ἀτρεΐδαις ἀπὸ τῆς ἔχθρας.*

*AIAC. v. 722.:*

*κυδάζεται τοῖς πᾶσιν Ἀργείοις ὁμοῦ.*

Hunc locum eo tantum consilio attuli, ut multorum, in his etiam Passovii, errorem notarem, primam verbi *κυδάζεσθαι* syllabam producentium, quod tanto magis miror, cum et ab antiquis iam grammaticis de corripienda ea fuerit monitum, et tres certe poetarum loci satis noti verum id esse demonstrent. Qui error inde videtur ortus, quod plerique illud verbum ad τὸ *κῦδος* referrent, cum ὁ *κύδος* eius sit fons, cuius tamen primam saepe perperam circumflexo notatam videmus: ὁ *κῦδος*. Veniam vero ea res faciliorem impetrabit, quia hoc substantivum nusquam, quod equidem sciam, nisi apud grammaticos exstat. Et Hesychius quidem, iam Bielio eo nomine reprehensus, utramque vocem, quamquam genere et potestate diversam, confundit scribens: *κῦδος δόξα, ἀρετὴ, νίκη, τιμὴ, ἀριστεία, λοιδορία, κακολογία*; nisi forte alterum lemma ante *λοιδορία* errore excidit. Rectius Photius: *κύδος λοιδορία, ἀρσενικῶς καὶ παροιμία κύδου δίκην ὀφείλειν, ἐπὶ τῶν συκοφαντησάντων.* — *κῦδος γαῦρος, δύναμις, δόξα, φήμη.* Eodem modo Suidas, inverso tantum utriusque capitis ordine; ubi in ed. Bas. 1544. (alius exemplaris mihi non est copia,) pro *κύδος* est *κῦδος*. Schol. ad Soph. Ai. 722.: *κυδάζεται λοιδορεῖται, ὑβρίζεται ὑπὸ πάντων καὶ Ἐπίχαρμος ἐν Ἀμύκῳ.*

— — Ἄμυκε, μὴ κύδαζέ μοι.

τὸν πρεσβύτερον ἀδελφόν.

καὶ Αἰσχύλος ἐν Ἰφιγενείᾳ·

οὐ τοι γυναιξὶ δεῖ κυδάζεσθαι τί γάρ;

ἀρσενικῶς δὲ ὁ κύδος ἐπὶ τῆς ὕβρεως. Syracusiis hoc nomen in usu fuisse docet scholiasta Apollonii Rhodii ad versum I., 1337.:

ὦ πέπον, ἦ μαλα δὴ με κακῷ ἐκυδάσσαις μύθοι,

monens: κύδος ἀρσενικῶς ἢ λοιδορία παρα Συρακουσίοις; quae repetivit Etym. M. p. 325, 3.: ἔστι κύδος ἀρσενικῶς καὶ σημαίνει παρὰ Συρακουσίοις τὴν λοιδορίαν. Quare etiam proverbium Photio l. l. memoratum ad Syracusios referendum coniecerim. Zenobius denique, Cent. IV, 70., Schrevelio ad Hesychium citatus: κύδος, λοιδορία, κακολογία. καὶ κυδάζειν, τὸ λοιδορεῖν καὶ κακολογεῖν. ἡ δὲ πρώτη συλλαβὴ βραχέως ἐκφέρεται. Verum id esse et loci ex Aeschilo et Apollonio citati demonstrant, et Epicharmus Athen. VI. p. 236. A.:

τῇνυ κυδάζομαι τε κάπωνηχθόμαν.

*AIAC.* vv. 811. 812.:

χωρῶμεν, ἐγκονῶμεν, οὐχ ἔδρας ἀκμή,

σώζειν δέλοντες ἄνδρα γ' ὃς σπεύδει δανεῖν.

In posteriori versu cum aliquot codices (Laur. A. pr., Pal., Aug. C., Flor. Δ.) ὃς ἂν σπεύδῃ δ., habeant, unus, Dresd. B., praeterea δέλοντος, Hermannus maiore post ἐγκονῶμεν posita interpunctione dedit: σώζειν δέλοντας ἄνδρα γ' ὃς σπεύδῃ δ., Dindorfius, vulgata interpunctione servata, in editione Teubneriana a. 1825. σώζειν δέλοντες ἄνδρ' ὃς ἂν σπεύδῃ δ., in poetarum scenicorum volumine σώζειν δέλοντες ἀνέρ' ὃς σπεύδῃ δανεῖν; et γ' quidem omittit Flor. Γ. Mihi vulgata tuenda videtur. Namque ut sententia generali, ut Hermannus vult, haec Tecmessae oratio terminetur, equidem vix consentaneum puto animo mulieris vehementissime commoto, non docere nunc volentis, sed hortantis et excitantis. Ceterum γ'ε

particulae positionem recte explicavit Hermannus; artissime enim coniungenda sunt, non interpunctione disiungenda verba: ἄνδρα γ' ὃς σπεύδει δαεῖν pro ἄνδρ' ὃς γε σπ. δ. Quod vero Dindorfius nunc dedit ἀνέρ', valde equidem vereor, ne formae huius nominis non syncopatae in trimetro locum habere non possint. Certe apud Sophoclem omnia exempla in lyricis carminibus inveniuntur. Sunt autem haec: ἀνέρες Phil. 709., et vocativo Trach. 1011., ἀνέρων Oed. Reg. 869. Ex Aeschylo nullum exemplum Wellauerus attulit.

**ELECTR.** vv. 194—97.:

οἰκτρά μὲν νόστοις αὐδά,  
οἰκτρά δ' ἐν κοίταις πατρῷαις  
ὅτε οἱ παγχάλκων ἀνταῖα  
γενύων ὥρμαθη πλαγὰ.

Hermannus, refutatis aliorum interpretationibus, vv. 194. 95. ipse sic reddit: *lamentabilia fuere, quae dicta sunt in reditu patris; lamentabilia etiam, quae dicta sunt ubi thalamum est ingressus.* „Dicit autem populi lamenta, qui quod non occultum esset Aegisthi et Clytaemnestrae adulterium, iam in reditu Agamemnonis sortem, quam ei paratam praesagiebat, lamentatus sit, mox autem, perpetrato facinore, etiam magis doluerit.“ Non possum equidem huic rationi accedere. Non de populi lamentis hic sermonem esse puto, sed de ipsius Agamemnonis, ut huius αὐδά οἰκτρά sit intelligenda. Construendi autem illi versus sunt hoc modo: οἰκτρά μὲν αὐδά, ὅτε νόστοις, οἰκτρά δέ, ὅτε ἐν κοίταις πατρ. οἱ π. ἀντ. γεν. ὥρμ. πλ., hoc sensu: *lamentabilis fuit Agamemnonis clamor, cum in reditu, lamentabilis, cum in cubili paterno ei aeneae securis adversus ictus illatus est.* Inest his quaedam gradatio; lamentabilis enim fuit eius clamor, quod in ipso reditu, atque adeo in thalamo paterno caede est exceptus. In poetae

verbis quod ὅτε primariis notionibus νόστοις et ἐν κοίταις πατράις est postpositum, cum saepissime coniunctiones ita collocentur, neminem, opinor, offendet. V. 196. vix potest dubitari, quin Hermannus recte σοι in οἱ mutaverit.

*ELECTR.* vv. 226—28.:

τῖνι γάρ ποτ' ἄν, ὃ φίλῖα γενέσθαι,  
 πρόσφορον ἀκούσαιμ' ἔπος,  
 τῖνι φρονοῦντι καίρια;

Vexavit in his interpretes dativus; et Hermannus quidem reiecta Blomfieldii explicatione ipse scholiastam et Brunckium secutus sic interpretatur: *a quo enim, opportuna afferente, aliquid audiam?* i. e. *quis ita opportune sentit, ut utile quid ad me consolandam proferat?* Insolentius Sophoclem iunxisse verbo ἀκούειν dativum, quia in eo lateat significatio verbi πείθεσθαι. Similiter Matthiaeus Gr. Gr. p. 722. Verum audacius et durius hoc mihi videtur, recteque Bothius huic rationi repugnat, tolerabilem tamen nec ipse afferens. Aliam igitur et faciliorem interpretationem circumspiciamus. Equidem dativum in illis verbis eiusdem generis esse dixerim, cuius in Antigoniae v. 904.:

καίτοι σ' ἐγὼ τίμησα τοῖς φρονοῦσιν εὔ.

*Cuius recte sapientis iudicio?* ut haec sententia prodeat: *quis enim recta mente praeditus me utile et quod consolari me possit verbum audire iudicet s. censeat?*

*ELECTR.* vv. 1003. sq.:

ὄρα, κακῶς πράσσουντε μὴ μείζω κακὰ  
 κτησώμεθ', εἴ τις τούτῳ ἀκούσεται λόγους.

Hermannus explicat: *cave, ne, si res male cedat, maiora nobis*

*mala contrahamus, si quis haec audiet.* Conditionaliter igitur κακῶς πράσσοντες accipit. At vereor ut recte, quamquam non duplex me conditio offendit. Admitterem illam interpretationem, nisi haec: εἴ τις τοῦτο ἀκούσεται λόγους, addita essent. Sic enim ea prorsus inutilia sunt. Nam si res male cedat, ergo, si antequam ad felicem exitum perducta sit, deprehendatur et impediatur, conditio sororum peior fiat necesse est, sive quis hos sermones audiverit, sive non audiverit. Non enim verba, sed facta tum punientur. Praeterea tum scribendum erat potius κακῶς πράξαντες, si res male cesserit. Equidem illa verba sic intelligo: *cum miserae iam simus.* Sensus igitur est: *vide ne praesentem nostram miseriam etiam angeamus,* sive, *maiora praesentibus mala nobis contrahamus, si quis haec audiet.* Et hanc in sententiam nunc video iam Brunckium vertisse: *vile, ne male iam affectae, maiora nanciscamur mala, si quis istos sermones audierit.* Erat autem id tanto magis verendum, quia tum ne tentari quidem amplius res poterat.

*OEDIP. REG. vv. 220. sq.:*

— — — οὐ γὰρ ἂν μακρὰν  
ἴχνησον αὐτός, μὴ οὐκ ἔχων τι σύμβολον.

Hic primum haud scio an, cum Laur. A., B., Par. B. et pro varia lectione Flor. Γ. pro αὐτός habeant αὐτό, hoc αὐτό praeferendum sit, quod etiam scholiasta legisse videtur explicans: οὐ γὰρ ἂν, φησί, τοσοῦτου ὄντος τοῦ χρόνου τοῦ μεταξὺ, ἀνεξήτουν τὸ πρῶγμα, εἰ μὴ ἦδειν καταληψόμενος. In Par. B. ascriptum est: τὸ περὶ τοῦ μιάσματος. Sed longe maior oritur dubitatio, quomodo intelligenda sint verba μὴ οὐκ ἔχων τι σύμβολον. Brunckius glossema quoddam, ἐπεὶ οὐκ ἔχω τι σημεῖον, secutus vertit: *neque enim investigando multum ipse promoverem, qui nullum indicium habeo.* Quae ratio cur admittenda non sit, nemo ignorat.

Hermannus contra, cui Bothius astipulatur, sic: *parum ipse investigando proficerem, nisi aliquid indicii reperirem*; et similiter Erfurdus: *nisi aliquid haberem indicium*. Haec explicatio quamquam locorum ubi μή οὐ participio iunctum invenitur fere omnium ratione commendari videtur, hic tamen toti orationis nexui est contraria. Nam si recte Hermannus vertisset, Oedipus habere se et reperisse, aut certe in eo esse ut reperiret indicium aliquid significaret; quod multo secus se habet, cum totius rei prorsus sit ignarus. Sin vero vestigium facinoris illius aliquid aut deprehendit aut deprehendisse se simulat: quī potest eam quam ingreditur viam inire, quae nihil eum compertum habere ostendat? Atque ipse modo vel interfuisse se illi caedi vel comperisse de ea quicquam diserte negavit v. 219. sq.:

ἀγὼ ξένος μὲν τοῦ λόγου τοῦδ' ἐξερῶ,

ξένος δὲ τοῦ πραχθέντος,

causamque deinceps addit v. 222: ὅστερος γὰρ ἀστὸς εἰς ἀστὺς τελῶ. Verum nec haec verba: οὐ γὰρ ἂν μακρὰν ἵχνευον recte intellecta mihi videntur. Quod ut appareat, etiam propius haec inspicimus. *Edicam*, inquit, *ignarus eius rei et expers facinoris; nam parum ipse investigando proficerem, nisi aliquid indicii reperirem*. Enuntiationes causales indicativo temporum historicorum cum ἂν particula expressae et particulis γὰρ aut ἐπεὶ iunctae praecedentibus plerumque cum praemissa sententia ita cohaerent, ut haec in conditionem possit mutari huius formae: εἰ τοῦτο μὴ ἦν, *hoc nisi ita esset*. Conditioni igitur positae cum veritas repugnet, nec id, quod in enuntiatione ei subiecta dicitur, potest locum habere. Ac plerumque quidem conditio illa ex praecedentibus est supplenda; interdum tamen exprimitur; quod si fit, apparet eam non posse priori illi enuntiato, quod causalem enuntiationem antecedit, repugnare. Utriusque generis exempla Sophoclea videamus. Oed. Reg. 82. sq.:

ἀλλ' εἰκάσαι μὲν ἡδύς (βαίνει)· οὐ γὰρ ἂν κάρα  
πολυστεφῆς ᾧδ' εἶρε παγκάρπου δάφνης.



Hoc est: εἰ μὴ ἡδὺς ἔβαινεν, οὐκ ἂν — ὧδ' εἴρπεν. Ib. v. 317. sq.: ταῦτα γὰρ καλῶς ἐγὼ | εἰδὼς διώλεσ'· οὐ γὰρ ἂν δεῦρ' ἰκόμην. I. e. εἰ μὴ ταῦτα καλῶς εἰδὼς διώλεσα, οὐκ ἂν δεῦρ' ἰκόμην. Cfr. Oed. Col. vv. 97 — 101., 124 — 127., 144 — 148. Electr. vv. 1505 — 1507.:

χρῆν δ'εὐδὺς εἶναι τήνδε τοῖς πᾶσιν δίκην,  
ὅστις πέρα πρᾶσσειν γε τῶν νόμων δέλοι,  
κτείνειν. τὸ γὰρ πανοῦργον οὐκ ἂν ἦν πολὺ.

Inest his haec sententia: οὐκ ἔστιν ἡδε ἡ δίκη, εὐδὺς κτείνειν, ὅστις ἂν — δέλη. εἰ δ'ἦν, τὸ πανοῦργον οὐκ ἂν ἦν πολὺ. Oed. Reg. 433. sq.:

οὐ γὰρ τί σ' ἦδη μῶρα φωνήσont· ἐπεὶ  
σχολῇ γ' ἂν οἴκους τοὺς ἐμοὺς ἐστειλάμην.

I. e. εἰ ἦδη σε μῶρα φωνήσονται, σχολῇ γ' ἂν σε ἐστειλάμην. Electr. vv. 1319. sqq.: ὡς ἐγὼ μόνη | οὐκ ἂν δυοῖν ἡμαρτον· ἥ γὰρ ἂν καλῶς |

ἔσωσ' ἐμαυτήν, ἥ καλῶς ἀπωλόμην. Ergo εἰ μόνη ἦν, ἥ καλῶς etc.

Conditionis additae exempla haec sunt: Trach. 277. sq., ubi pro εἰ μὴ δόλω ἔκτεινεν dictum εἰ ἐμφανῶς ἡμύνατο. Poterat ibi omitta conditione dici: Ζεῦς γὰρ ἂν σονέγνω ξὺν δίκη χειρουμένω. Cfr. Phil. 1035 — 39.

Oed. Reg. 1455 — 57. μὴ πὶ τῷ δεινῷ κακῷ est εἰ μὴ ἐπὶ τῷ δεινῷ κακῷ ἐσώσῃην, quae si omitta essent, ex praecedentibus intelligeretur: εἴ

με νόσος ἢ ἄλλο τι τοιοῦτον πέρσειν ἔμελλεν. Phil. 412. sq. 946. sq.

Alac. 81. sq. Scyr. fr. 6. (501. Dind.) Alibi γὰρ et ἐπεὶ particulae explicandi vim habent, ut Phil. vv. 867 — 871. ubi vv. 869 — 871. causam indicant, cur Philocteta τὸ ἐλπίδων ἄπιστον dixerit. Similis ratio est

Antig. v. 389. sq. Ad idem genus referri potest Antig. 904 — 906. Re-

stant duo loci, ubi causalis enuntiatio interrogative est expressa, Oed. Reg. 1371. sqq. Trach. 707. sq., qui loci facile in vulgarem formam possunt redigi: οὐ γὰρ οἷός τ' ἂν ἐγενόμην τὸν κατέρρα προσιδεῖν, οὐδαμῶς

γὰρ ἂν ὁ δῆρ τοῦτο ἐποίησεν. Iam ut ad eum locum, de quo hic agimus,

redeam, illa: οὐ γὰρ ἂν μακρὰν ἔχνευον, si vulgarem interpretationem sequamur, neque cum praecedentibus, neque cum insequentibus congruunt, cum haec oriatur sententia: *nisi ξένος essem, parum proficerem, s. non multum promoverem.* Immo tum aliquid se profecturum sperare posset. Melius hac ex parte convenit scholiastae quam supra attuli explicatio. Quamquam ne haec quidem ferri potest, quia nec μακρὰν potest esse τοσούτου ὄντος τοῦ μεταξὺ, nec simulatio illa, ut iam ostendi, locum habere. Omnia vero bene cohaerebunt, si sic vertemus: *alioquin enim non diu investigarem, quin haberem s. deprehenderem aliquod indicium, i. e. brevi aliquod deprehenderem indicium.* Hoc autem fieri nequit, quia nec comperit quicquam, nec interfuit facinori, et quia post illam caedem demum in civitatem est receptus. Praedicat igitur Oedipus sagacitatem suam, quam alibi quoque et ipse laudat, ut vv. 392. sqq., et aliquoties chorus celebrat. At, inquiet, tum μὴ οὐ non cum participio erat iungendum, sed cum infinitivo. Scio sane usitatus Sophoclem dicturum fuisse ὥστε vel ὥς μὴ οὐκ ἔχειν τι σύμβολον; verum omnino naturam harum particularum, imprimis participiis iunctarum, nondum satis perspectam esse existimo; pauca enim a grammaticis huius constructionis atque eadem ab omnibus afferuntur exempla, quibus doctrinam de earum potestate superstruxerunt; et Oed. Col. 360. certe in verbis ἥκεις γὰρ οὐ κενή γε — μὴ οὐχὶ δεῖμ' ἐμοὶ φέρουσά τι, etsi recte veritas, *nisi mihi pavorem aliquem afferas*; sensus tamen non vetat ea sic reddi: *utique non vacua venis, quin mihi pavorem aliquem afferas, ohne mir — zu bringen.* Nequaquam igitur mihi correctione opus videtur, ut: οὐ γὰρ ἂν μακρὰν ἔχνευον αὐτῷ, ὥς (Flor. Δ. habet αὐτῷ) μὴ οὐκ ἔχειν τι σύμβολον.

OED. REG. vv. 255. sqq.:

οὐδ' εἰ γὰρ ἦν τὸ πρᾶγμα μὴ δεήλατον,

ἀκάταρτον ὑμᾶς εἰκὸς ἦν οὕτως εἶναι,  
 ἀνδρὸς γ' ἀρίστου βασιλέως ὀλωλότος,  
 ἀλλ' ἐξερευνᾶν.

Hic v. 257. triplex scriptura reperitur: ἀνδρὸς γ' — βασιλέως τ' ὄλ.,  
 ἀνδρὸς τ' — βασιλέως τ' ὄλ., et quam ego dedi, quamque nunc etiam  
 Dindorfius praetulit. Et γέ quidem post ἀνδρὸς praeter Aug. utrumque et  
 Dresd. B., qui τ' habent, omnes, quod sciam, agnoscunt, τέ vero post  
 βασιλέως omittunt Laur. A. pr., Laur. B., Florr. ΓΔΘ., Lipss. uterque,  
 Ms. V. apud. Liv., Bar. 1., Laud. C., Trin., Mosqu. A. et alii fortasse, in  
 quo numero optimi libri sunt. Hinc Elmsleius recte eam scripturam, quam  
 supra repraesentavi: ἀνδρὸς γ' ἀρίστου βασιλέως ὀλωλότος, unice veram  
 sibi videri statuit. Neque enim, quod vir optimus Laius fuerat, eius caedis  
 ultio ad populum Thebanum pertinebat; si privatus enim ille occisus fuisset,  
 propinquorum erat vindicta; sed quod rex fuerat idemque optimus vir. Nam cum  
 omnino regis interfecti vindicta ad populum pertineret, tum tanto sanctius erat  
 hoc officium, quanto meliorem se virum praestiterat. Ἀνδρὸς ἀρίστου  
 igitur praedicati vel appositionis loco pertinet ad βασιλέως. In vulgata  
 scriptura ἀνδρὸς γ' ἀρίστου βασιλέως τ' ὀλωλότος primaria notio facta  
 est secundaria et additicia, quo nomine melior aliquanto est Erfurdii et Her-  
 mannii lectio: ἀνδρὸς τ' ἀρ. βασιλέως τ' ὄλ., quam sic vertas: *cum occi-*  
*sus esset qui ut vir optimus, sic etiam rex optimus erat, vel rex*  
*pariter ac vir optimus; verum τε — τέ* particulae cum paria iungant,  
 minus recte hic adhiberentur, ubi regis notio est primaria, viri optimi  
 secundaria.

OED. REG. v. 305.:

Φοῖβος γάρ, εἰ καὶ μὴ κλύεις τῶν ἀγγέλων etc.

Hunc locum Hermannus ad Vig. p. 832. sq. de vi particularum εἰ καὶ et

καὶ εἰ disputans sic vertit: *si hoc etiam non audivisti ex nuntiis, wenn du es auch nicht von den Boten weisst.* Non indicari, non audivisse Tiresiam, sed fieri forsitan potuisse ut non audiverit. Equidem contra Oedipum statuerim significare sibi Tiresiam iam audivisse videri, ac verterim: *wenn du es ja nicht gehört hast.* Cfr. Aristoph. Ran. 74.: τοῦτο γὰρ τοῖς καὶ μόνον | ἔτ' ἐστὶ λοιπὸν ἀγαθόν, εἰ καὶ τοῦτ' ἄρα, ubi deus se dubitare indicat verene hoc sit bonum. Ceterum cum Laur. A. pr. κλύης habeat, non multum abest quin conjunctivum praeferam: *si adeo non audieris.*

**OED. REG.** vv. 328. sq.:

πάντες γὰρ οὐ φρονεῖτ'; ἐγὼ δ' οὐ μὴ ποτε,  
τᾶμ' ὥς ἂν εἴπω, μὴ τὰ σ' ἐκφύνω κακά.

Hoc difficillimo in loco, quem nuperrime Bothius infelicissime tentavit, proxime ad verum Erfurdtius et Elmsleius in ed. alt. accessisse videntur, quorum explicationem ex ipsorum libris petas. Vellem tamen dixissent, quomodo ὥς ἂν acciperent. Nec mihi quicquam mutandum videtur, nisi forte μὴ prius v. 328. in μὴν, cfr. vv. 810. 870. Verte: *ego vero non sane unquam, mea simulac dixero, tua proferam mala;* quod cum breviloquentia quadam dictum pro: *non sane ego unquam tua proferam mala facinora, quod fiet, simulac mea vaticinia dixero,* vel: *non committam, ut una cum meis vaticiniis tua facinora aperiā.* Particula ὥς hic est temporalis, quemadmodum iam Reisigius ad Oed. Col. p. 357. accepit, qui mutata sic interpunctione: ἐγὼ δ' οὐ μὴ ποτε τᾶμ', ὥς ἂν εἴπω, μὴ τὰ σ' ἐκφ. κ., vertit: *quoquo modo dico, i. e. dum loquor, nunquam mea proferam, ne tua aperiā mala;* in quibus, ut cetera taceam, eo erravit, quod aoristo εἴπω praesentis vim tribuit, quasi scriptum sit ὥς ἂν λέγω. Praesentis conjunctivo junctae particulae ὥς ἂν et ὥςπερ ἂν, temporali vi si

ponuntur, significant *dum, donec, quoad, während, so lange als*; cfr. Aiac. 1117. Phil. 1330. Oed. Col. 1361. Arcestratus ap. Athen. III. p. 101. C. v. 9. sq., aoristi coniunctivo praemissae aut *simulac* cum futuro exacto, cfr. Aristoph. Pac. 24., Hermann. ad Vig. p. 943. sq., aut *donec* cum futuro exacto, ut Eurip. Phoen. v. 90.

**OED. REG.** vv. 1280. 81.:

τάδ' ἐκ δυοῖν ἔρρωγεν, οὐ μόνον, κακά,  
ἀλλ' ἀνδρὶ καὶ γυναικὶ συμμειγῇ κακά.

Hos versus Dindorfius ut indignos Sophocle secluserat. Verum deletis iis haud scio an vv. 1282. sqq. minus apte cum v. 1279. cohaereant. Mihi certe tum transitus a narratione ad insequentem sententiam nimis abrupte fieri et paene desiderari videtur. Ut vero iusta illa quae plerosque movit offensio tollatur, vide ne duabus litteris mutatis legendum sit: *τάδ' ἐκ δυοῖν ἔρρωγεν, οὐ μόνον πάρα.*

**OED. REG.** v. 1526.:

ὅστις οὐ ζήλω πολυτῶν καὶ τύχαις ἐπιβλέπων.

Hanc omnium librorum et Etymologi Gudiani p. 659, 30. scripturam a Dindorfio nunc revocatam varie viri docti mutarunt. Hermannus ex coniectura edidit: *ὅν τις οὐ ζήλῶν πολυτῶν καὶ τ. ἐπ.* Quae etsi sensum praebet aptissimum, tamen si idem minori mutatione effici possit, haec haud dubie praeferenda fuerit. Atque hoc mihi Hermanno rectam viam praeunte assecutus videor una littera mutata sic scribendo: *οὐ τις οὐ ζήλω πολ. κ. τ. ἐπ.*; οὐ ut pendeat a ζήλω et τύχαις. Ordo est igitur: *οὐ ζήλω καὶ τύχαις τις πολυτῶν οὐκ ἐπιβλέπων*; Ζήλος est *conditio aemulanda, invidenda, felicitas*, ut Aiac. v. 503. Ad ἐπιβλέπων ut in Hermanni coniectura ex praecedentibus repetendum ἦν. Ut hic ego οὐ in ὅς abiisse puto, sic contrario errore in Panyasidis versu ap. Stob. Flor. XVIII, 22,

π. 2. pro ὅς κ' ἀνδρῶν πολὺ πλεῖστον ἐν εἰλαπίνῃ μέθυ πίνῃ, in ed. Frob. legitur οὐκ ἀνδρῶν. In relativis vero enuntiationibus passim τίς interrogativum in indefinitum τίς librariorum aut incuria aut inscitia mutatum reperitur, ut Soph. fr. inc. XCIV. (Nr. 782. Dind.) apud Strabonem XV. p. 1008. (T. III. p. 252. Tauchn.) in ultimis poetae verbis ὅπου τίς ὄρνις οὐχὶ κλαγγάνει; scribendum, non τις.

**ANTIG.** vv. 838 — 841.:

οἴμοι γελῶμαι τί με, πρὸς θεῶν πατρῶων,  
οὐκ οἰχομέναν ὑβρίζεις,  
ἀλλ' ἐπίφαντον;

Libri veteres v. 840. ὀλομέναν habent omnes praeter Dresd. A., ubi ὀλλυμέναν. Tricliniana recensio οὐλομέναν, quod sane miror patronos nancissi potuisse. Ὀλομέναν per se quidem bonum, antistrophici versus metro non convenit; quare ὀλλυμέναν quidam recepere, quod tempore peccat. Hermannus antistrophicum versum vitio laborare putat. Mihi contra videtur; suspicor enim Sophoclem scripsisse οὐκ οἰχομέναν, cui quod opponitur ἐπίφαντον ex amussi respondet. Exempla verbi οἴχεσθαι simpliciter positi pro τεθνάναι, mortuum esse, tam multa reperiuntur, ut sufficiat participii sic positi afferre haec: Electr. v. 146.: νήπιος ὃς τῶν οἰκτρῶς οἰχομένων γορέων ἐπιλάθεται. Aesch. Pers. 546. Dind.: καγὼ δὲ μόρον τῶν οἰχομένων αἶρω δοκίμως πολυπενδῆ. Ib. v. 915.: εἴδ' ὅφελε, Ζεῦ, καμὲ μετ' ἀνδρῶν τῶν οἰχομένων θανάτου κατὰ μοῖρα καλῦψαι.

**TRACH.** vv. 839 — 842.:

— — μελαγχαίτα τ'  
ἄμμιγὰ νιν αἰκίζει

Νέσσου δ' ἔπο φοῖνια δολόμυθα κέντρ' ἐπιζέσαντα.

In his libri nihil variant, nisi quod Laur. B. μελαγχαίτας τ', Vat. et Par.

μελαγχαίτας δ' habent. Hermannii ingeniosam emendationem, qui eiecto Νέσσου δ' scripsit ὑποφόνια δ. κ. ἐπ., quam etiam Gaisfordius recepit, veram tamen non iudicavit Dindorfius, qui librorum scripturam revocavit, nisi quod φόνια cum Brunckio dedit. Ac sane dubiam illam hoc reddit, quod sic quoque in stropha v. 831. inutile illud γ' post ἐπίπονον inserendum est, merito eiectum a Dindorfio. Particulam enim istam nec liber ullus agnoscit, neque ad sensum ullo modo requiritur, neque suo loco est posita, cum mortuus Hercules non aerumnosam modo servitutem non amplius toleret, sed nullam omnino, nisi γέ ad λατρείαν potius referendum censeas. Iam ut quid mihi videatur exponam, primum Erfurdium recte coniecisse puto, scholiastam Νέσσου non agnoscere. Eo enim referenda opinor verba: δῆλον δὴ ὅτι φοίνια τὰ κέντρα τοῦ Νέσσου. Deinde φοίνια, non φόνια praeter libros bis habet scholiasta; praeterea eundem pro certo habeo non legisse ὕπο, cuius in tota eius explicatione nullum exstet vestigium, ut hoc quoque, pariter ac Νέσσου δ', quorum originem bene ostendit Hermannus, quamquam non facile dicas quomodo irrepserit, extrinsecus illatum videatur. Relinquuntur tum haec:

φοίνια δολόμυδα κέντρ' ἐπιζέσαντα,  
quae strophicis respondent his:

ἔτι πότ' ἔρ' ἐπίπονον ἔχει δανὼν λατρείαν.

Forma autem responsionis haec est:

Stroph.:    ὁ ὁ ὁ ὁ ὁ ὁ ὁ ὁ — ὁ — ὁ — —

Antistr.:    — ὁ ὁ ὁ ὁ — ὁ — ὁ — ὁ — ὁ .

**TRACH.** v. 1004.:

δαῦμι' ἂν πόρρωθεν ἰδοίμην.

Hermannus recte refutatis scholiastae ac Triclinii caplicationibus et quorundam coniecturis, „una ratio est, inquit, qua sine mutatione aptum sensum



*efficiat si signum interrogandi apponas. Miraculumne ex longinquo visurus sum? Id ergo feci.* Vellem equidem addidisset eorum explicationem. Nec secutus est Dindorfus, cautior ille Wundero, et recte quidem, quamquam nescio, quomodo ipse locum explicet. Mihi sensus, a quo omnes mirum quantum aberrarunt, hic videtur esse: *hoc miraculum pinquo est aspiciendum, idem fere est ac non videre.* Cfr. Phil. v. 454.: τὸ λοιπὸν ἤδη τηλόθεν τό τ' Ἴλιον καὶ τοὺς Ἀτρεΐδας εἰσορῶν φυλάξομαι. Inde ἀποπτος explicandum, Oed. Reg. v. 762.: ὥς πλεῖστον εἶη τοῦδ' ἀποπτος ἄστεως. Phil. v. 467. καιρὸς γὰρ καλεῖ πλοῦν μὴ ἔσ' ἀπόπτου μᾶλλον ἢ ἡγγύθεν σκοπεῖν. Cfr. Oed. Reg. 795.

**TRACH.** vv. 1046. sq.:

ὦ πολλὰ δὴ καὶ θερμὰ καὶ λόγῳ κακὰ  
καὶ χερσὶ καὶ νῶτοις μοχθήσας ἐγώ.

Hermannus, *mirum est*, inquit, *reliquisse criticos Bothio correctionem huius loci, qui recte dedit* τοῦ λόγῳ κακὰ. *Vid. v. 744. (747.).* Obtemperarunt Wunderus ac Dindorfus. Ego vero Hermannum quoque Bothio malletm reliquisse istam quam putat correctionem. Mihi certe secus videtur. Recte Cicero vertit: *o multa dictu gravia, perpressu aspera.* Καὶ λόγῳ est dictu quoque, καὶ λέγειν κακὰ, *sogar für die (blosse) Erzählung, Beschreibung.* Cfr. Electr. 761.: τοιαῦτά σοι ταῦτ' ἔστιν, ὥς μὲν ἐν λόγοις ἀλγεῖνᾶ etc. Aesch. Prom. 197. ἀλγεῖνᾶ μὲν μοι καὶ λέγειν ἔστιν τάδε. Eurip. Phoen. 400. Pors.: μέγιστον ἔργῳ δ' ἔστι μείζον ἢ λόγῳ. Et sic saepissime. Ceterum non refragabor, si quis καὶ non *etiam*, sed *et* esse velit. — In altero versu Hermannus pro Triclinianorum librorum et Brunckiana scriptura χερσὶ ex Hærl. et Ald. revocavit χερσί, quod mihi quoque olim propter librorum auctoritatem revocandum videbatur. Nunc vero, cum χερσὶ non tantum Læur. A. et Vat. B. exhibeant, sed etiam glossa quae apud Hesychium, Photium, Suidam, in Bachmanni Anecdotis I. p. 265., alibi fortasse, legitur, καὶ χερσὶ καὶ ἔργοις, ad hunc ipsum Sophoclis locum referenda videatur, Gaisfordium recte καὶ χερσὶ retinuisse existimo.

**PHILOCT.** v. 493.:

ὦν δὴ παλαιᾷ ἂν ἐξότου δέδοικ' ἐγώ  
μὴ μοι βεβήκοι.

Finem huius scriptiunculae faciam expediendo, si potero, loco difficillimo.

Qui παλαιὶ ἄν tuentur, suppleri iubent εἶη, ut Hermannus de partic. ἄν p. 187. Contra Schaeferus Appar. ad Demosth. I. p. 783.: „παλαιὶ ἄν quam ineptum sit, facile senties, si verteris: diu sit, das dürft e lange her sein. Sic pius filius non loquitur, qui certo scit, dudum patri se metuisse, non dubitat, an dudum metuerit.“ Verissime haec dicta. Longe diversa ratio est Oed. Reg. 567.: πολλοὶ παλαιοὶ τ' ἄν μετρηθεῖεν χρόνοι. Idem Schaeferus laudat Buttmannum, qui e recensione Tricliniana restituerit παλαιόν. Quo recepto nulla sane relinquitur difficultas, nisi quod merito mirari possis, unde ineptum illud παλαιὶ ἄν originem duxerit, quod etiam recens collati Flor. Γ. Laur. B. C. Ricc. habent, in Laur. A. vero in παλαιάν, ut in ed. Col. In πάλαι ἄν abiit. Praeterea v. 494. meliores et plures libri (Brunckii membr., Harl., Laur. A. B., Flor. Γ. omnesque edd. vett.) βεβήκοι, pro quo nunc ex Par. B., cui accedit Laur. C., editur βεβήκη; Par. T. autem et Ricc. βεβήκει. Vide vero ne βεβήκοι verum sit atque ad hoc referendum illud ἄν mire sane traiectum, ut hic sit ineundus ordo: παλαιά (ἐστίν) ἐξ ὅτου δέδοικα μὴ μοι ἄν βεβήκοι. Cfr. Trach. 630.: δέδοικα γὰρ μὴ πρὶν λέγοις ἄν τὸν πόδον τὸν ἐξ ἐμοῦ, ubi vid. Schaefer.. Traiectio illa particulae ἄν forsitan sic possit explicari. Omisso ἐξότου poeta dicere poterat: παλαιὶ ἄν δέδοικ' ἐγὼ μὴ μοι βεβήκοι, in quibus sedes particulae nullam habebit offensionem, cum παλαιά non necessario cum δέδοικα iungatur, sed ad βεβήκοι trahi possit; simplex enim sententia est παλαιά ἄν μοι βεβήκοι. Exempla particulae similiter transpositae attulit Hermannus in libro de part. ἄν p. 194. sq. Iam notum est pro πάλαι vel πολὺν χρόνον saepe dici παλαιός vel πολὺς ἂν οὗ χρόνος et ita orationi inseri, ut si nihil prorsus illae formulae essent nisi simplex adverbium, cuius generis exempla satis memorabilia collegit Lobeckius ad Aiac. v. 601. (602.) p. 309. Sic fieri potuit, ut Sophocles hic pro simplici παλαιά poneret παλαιὶ ἐξότου, et tamen ἄν post παλαιά relinqueret. Hoc igitur modo nihil omnino hoc loco mutandum fuerit. Meliora tamen docenti lubens cedam.